

SPORTSKOMMISSIOUN(Rektifikatioun)

Sätzungsbericht vum 1. Mäerz 2021

1/2021

Présent: Manou, Marcel, Patrick, Nicole, Joe

Ofgemellt: Miguel, Gilles a Joske

1. Begréissung

d'Nicole ass frou d'Membere trotz der aktueller Situatioun begréissen ze kënnen, dëst natierlech ënnt Berécksiichtegung vun de Covid's Mesuren (Mask, Ofstand, ...)
Zugläich bedauert d'Nicole (de Rescht vun der Kommissioun och), datt am Duerchschnitt net méi wéi 4-5 Leit present sinn, obschonn mir offiziell zu 8 Léit an der Sportskommissioun sinn.

2. Leschte Bericht

De leschte Bericht vum 28. November 2020 gëtt unanime ugeholl.

3. Suivi vun der Sportleréierung

D'Sportskommissioun seet dem Schäfferot fir d'Unerkennung vun eiser Aarbecht Merci, wat d'Sportleréierung ugeet. Mir wëllen awer bemierken, dass mir déi komplett Lëscht (Sportleréierung) eréischt den Dag virun eiser Versammlung kruten, obschon laut Datum (Mail), déi lescht Demande den 20. November 2020 erakomm war.

Ass et méiglech, déi nächste Kéier, d'Demandë e puer Deeg éischer ze kréien, vu datt et etlech Demande waren a verschiddene Kategorien.

Zu de Konditiounen géife mir proposéieren, dës an Zukunft bëssen anzegrenzen. Mir fannen als Kommissioun datt de Merite / Verdéngscht erëm méi an de Virdergrond soll geréckelt ginn, sprécht et geet just nach eng 1. Plaz unerkannt.

Wéi gesäit de Schäfferot dës Iwwerleeung?

Mir envisagéieren eng Reunioun déi sech exklusiv mam Reglement vun der Sportleréierung befaasst.

4. Mail vum Serge Erpelding

D'Nicole huet op d'Fro den 21. Dezember 2020 geäntwert. D'Äntwert ass an der Spéngel.

5. Centre sportif

Gerance-Site Campus scolaire Brouch-Hall sportif: d'Fro stellt sech wéi de neie Site geréiert gëtt a Punkto Personal-Concièrge(S)? Onsen Erfarungen no sollt eigentlech e Kader vun 3 Leit ageplangt ginn fir eng adquat Gerance ze garantéieren.

Ginn et dozou scho fiabel Infoen?

Mir froen eng Viste des lieux vum neien Hall sportif un, preferabel wier de Weekend.

Propos-Datum vum Schäfferot?

6. Terrain de Pétanque

De Schäfferot schreift a senger Äntwert vum 26. Februar 2021, datt de Pétanque's Terrain zu Béiwen am Laf vum Joer 2021 an d'Rei gemaach géif ginn.

Kann de Schäfferot eis confirméieren, datt dësen Terrain am Mee/Juni 2021 fäerdeg gëtt?

Ass och een Iwwerdaach virgesinn wann et géif reenen?

Wéi ass et mat engem Zonk fir ronderëm? (Schutz virun Dréck, Hondsschäiss, asw)

An der Spéngel hänken zwou Fotoen vun 3 Pétanque's Terrain'en zu Miersch.

Wann mir méi genau wëssen, wou Terrain'en disponibel wieren, kéint d'Sportskommissioun sech genau informéieren, wat alles géif kaschten an dat dann duerno un déi responsabel Léit vun der Gemeng weiderginn.

Fir wéini ass de Masterplang geplangt?

7. Festleeën vun der nächster Sitzung

Di nächst Sitzung ass den 29. Mäerz 2021 um 20h30 zu Tënten am Veräinsbau.

8. Verschiddenes

Wat de Bikeparc ugeet hätte mir nach verschidden Umierkungen zu den Äntwerten vum Schäfferot.

Et ass fir eis schwéier eppes méi Konkretes ze präsentéieren, well och bei de Bikeparc'en kritt ee vu bis.

Mir kënnen Iech awer gär e puer Projeten virdroen/präsentéieren, dëst vun aaneren Gemengen(Gréisst, Matériel asw.)

Dozou wëlle mir bemierken, datt dëse Sport ëmmer méi bei sämtlechen Altersgruppen opkënn. Zousätzlech ass et eng gutt Reklamm fir d'Gemeng „Helperknapp“, wa mir sou ee Bikeparc an eiser Gemeng hätten an engems nach vun der Schoul genotzt kann ginn.

Eventuell kéint een d'Schoul an dëse Projet op iergend eng Aart a Weis mat abauen.

Dat nämmecht gëllt och fir de Beachvolleyball-Terrain.

D'Kommissioun fënnt et wichteg datt een Appell fir de Rekrutement vu neie Memberen lancéiert gëtt.

mat sportlechen Gréiss

Joe Heinz

Sekretär vun der Sportkommissioun